



Asunto: INFORME ECONÓMICO-FINANCEIRO DO ORZAMENTO DE INGRESOS

Orzamento: ANO 2026

De conformidade co artigo 68 do RDL 2/2004 de 5 de marzo polo que se aproba o Texto Refundido da Lei Reguladora das Facendas Locais, detállanse, a continuación, as bases de cálculo utilizadas para determinar as previsións de ingresos para o exercicio 2026.

Réxime xurídico de aplicación

Real Decreto Lexislativo 2/2004, de 5 de marzo, polo que se aproba o Texto refundido da Lei reguladora das facendas locais, (TRLRFL).

Lei Orgánica 2/2012, de 27 de abril, de estabilidade orzamentaria e sustentabilidade financeira, (LOEOSF).

Regulamento (UE) Nº 549/2013 do Parlamento Europeo e do Consello, de 21 de maio de 2013, relativo ao sistema europeo de contas nacionais e rexionais da Unión Europea (SEC 2010).

Regulamento (CE) nº 1466/97 do Consello de 7 de xullo de 1997, relativo ao reforzamento da supervisión das situacións orzamentarias e á supervisión e coordinación das políticas económicas, coa modificación operada polo Regulamento 1175/2011, de 16 de novembro, do Parlamento e do Consello.

Lei 7/1985, de 2 de abril, reguladora das bases de réxime local, (LRBRL), coas modificacións da Lei 27/2013 (LRSAL).

Real Decreto 500/1990, de 20 de abril, polo que se desenvolve capítulo primeiro do título sexto da LRFL, en materia de orzamentos (RP).

Orde EHA/3565/2008, de 3 de decembro, pola que se aproba a estrutura dos orzamentos das entidades locais coa modificación operada pola Orde HAP/419/2014, de 14 de marzo.

Bases de Execución do Orzamento.

I.- BASES DE CÁLCULO



Copia do documento - Concello de Vigo	Data impresión: 20/10/2025 12:39	Páxina 1 de 7
97-142	CSV: A5AAD3-B7DF38-E781CF-N61GM4-4ME5EN-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Para a determinación das previsións de ingresos, utilizáronse as seguintes informacións:

- 1.- Os dereitos recoñecidos e liquidados no exercicio de 2024 e a recadación de cada un dos conceptos.
- 2.- A execución de ingresos durante o presente exercicio 2025.
- 3.- A repercusión na estimación de ingresos para o ano 2026 derivada dos acordos plenarios de 29 de setembro de 2025.
- 4.- Ingresos extraordinarios que, previsiblemente, se obterán por procedementos de regularización tributaria: tanto polas actuacións do Servizo de Inspección de Tributos no marco do Plan de Control tributario de 2026 como polas actuacións de comprobación abreviada que realizará o Servizo de Xestión Tributaria.
- 5.- Datos relativos a alteracións catastrais obtidas na xestión do Servizo Municipal de Xestión Catastral Delegada.
- 6.- As Subvencións de capital de outros axentes financiadores que xuntamente coa Entidade Local, cofinancian proxectos de infraestruturas.
- 7.- Ingresos doutras Administracións:

En relación cos ingresos a conta da Administración Xeral do Estado, por cesións de tributos correspondentes ao IRPF, IVE, II.EE e Fondo Complementario de Financiamento (FCF), segundo a información as que se dispón, estímase un 5% de incremento. A estimación que está a facer o Concello, é de un 4,8% calculados sobre o conxunto dos ingresos regularizados do ano 2025, aplicándose un 2,1% á cesión tributos e ao Fondo Complementario de Financiación, e o resto, ata o 4,8%, á liquidación do ano 2024.

Considérase unha previsión conservadora, xa que a base de cálculo prevista para o ano 2025 estase cumprindo, as entregas a conta regularizáronse no mes de setembro e serán efectivas entre os meses de setembro-décembro.

A previsión do importe da Participación de Ingresos da Comunidade Autónoma (PICA) non varía, manténdose a contía do ano anterior coa previsión da liquidación.

A achega da Xunta de Galicia no Fondo adicional de Cooperación Local para sufragar unha parte do incremento do custe de tratamento dos residuos urbanos alcanza a cifra de 1.317.862,02€.

En relación coa axuda ao TUC, mantense o a cifra de 1.592.079,82 previstos para o ano 2025. Así mesmo recóllese un aumento na bonificación MITMA pola aplicación do Real Decreto-Lei 1/2025, do 28 de xaneiro, polo que se aproban medidas urxentes nos ámbitos da economía, o transporte e a seguridade social, e para facer fronte a situacións de vulnerabilidade alcanzando un importe de 2.474.613,64€.

En relación coa subvención para o Servizo de Axuda no Fogar, a previsión que se reflicte está relacionada coas horas e o prezo da prestación concedidas pola Xunta de Galicia, alcanzando para o ano 2026 o importe de 9.425.000€.

Para o servizo do CEDRO faise a previsión de acordo ao convenio coa FEGAMP, mantendo a contía do ano 2025, por un importe de 541.039,00 euros.

Neste capítulo tamén se está a reflectir a achega pola subvención autonómica ás EIM, por unha contía total de 572.914,00 euros.



Copia do documento - Concello de Vigo	Data impresión: 20/10/2025 12:39	Páxina 2 de 7
97-142	CSV: A5AAD3-B7DF38-E781CF-N61GM4-4ME5EN-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



II.- ANÁLISE DOS DISTINTOS CAPÍTULOS

A análise faise tendo en conta cada un dos conceptos, avaliando en cada caso as causas que orixinan a variación, aínda que as mesmas, son de tipo tendencial. Os recursos das facendas locais, ao igual que o resto do sector público, son moi sensibles ás conxunturas económicas.

CLASIFICACIÓN ECONÓMICA DE INGRESOS

Capítulo	Descrición	Importe
Operacións Correntes		
I	IMPOSTOS DIRECTOS	127.979.057,93 €
II	IMPOSTOS INDIRECTOS	15.094.806,64 €
III	TAXAS, PREZOS PÚBLICOS E OUTROS INGRESOS	48.336.339,02 €
IV	TRANSFERENCIAS CORRENTES	125.718.881,45 €
V	INGRESOS PATRIMONIAIS	5.593.500,00 €
Total ingresos por operacións Correntes		322.722.585,04 €
Operacións de Capital		
VI	ENAXENACIÓN DE INVERSIÓN REAIS	0,00 €
VII	TRANSFERENCIAS DE CAPITAL	22.144.609,30 €
Total ingresos por operacións de capital		22.144.609,30 €
Operacións financeiras		
VIII	ACTIVOS FINANCEIROS	500.000,00 €
Total ingresos por operacións financeiras		500.000,00 €
TOTAL INGRESOS		345.367.194,34 €



ORZAMENTO COMPARATIVO DO ESTADO DE INGRESOS ANO 2025-2026 ATENDENDO A NATUREZA ECONÓMICA

Capítulo		Importe 2025	2026	+/- vari. %
1	Impostos directos	123.381.301,49 €	127.979.057,93 €	3.73%
2	Impostos indirectos	11.620.105,44 €	15.094.806,64 €	29.90%
3	Taxas, prezos Públicos e outros ingresos	46.054.040,02 €	48.336.339,02 €	4.96%
4	Transferencias correntes	123.650.270,81 €	125.718.881,45 €	1.67%
5	Ingresos patrimoniais	5.404.000,00 €	5.593.500,00 €	3.51%
6	Enaxenación de inversións reais	0,00 €	0,00 €	
7	Transferencias de capital	17.986.288,11 €	22.144.609,30 €	23.12%
8	Activos financeiros	500.000,00 €	500.000,00 €	
TOTAL INGRESOS		328.596.005,87 €	345.367.194,34 €	5.10%

Do importe total do orzamento de ingresos (345.367.194,34 €) corresponden a operacións correntes 322.722.585,04 € (capítulos I a V) e a operacións de capital, 22.644.609,30 €.

CAPITULO I.- IMPOSTOS DIRECTOS

Importa este capítulo 127.979.057,93 € e representa un 37,06% do total do orzamento.

O importe das previsións deste capítulo para o exercicio do 2026 aumenta nun 3,73% respecto das previsións aprobadas no orzamento de ingresos de 2025.

A previsión do importe da cesión do IRPF regulada no artigo 112 do Texto Refundido da LRFFLL ascende a 10.431.383,93 millóns de euros, supoñendo un 8,15 % do total da imposición directa do Concello (Capítulo I). Supón un 3,02% do total do orzamento e un 3,23% das operacións correntes. Estas previsións téñense realizado a partir das entregas a conta regularizadas do ano 2025 e aplícase unha variación do 2,1%.

As previsións do Imposto sobre Bens Inmóbles de natureza urbana para o ano 2026 ascenden a 78.452.643 euros, as previsións do Imposto sobre Bens Inmóbles de características especiais (BICES), a 3.212.560 euros e as do Imposto sobre Bens Inmóbles de Natureza Rústica , a 54.080 euros.

As previsións destas tres partidas, contempladas no seu conxunto, supoñen un 23,66% do total do orzamento e un 25,32 % das operacións correntes, un incremento do 4,33% respecto das previsión aprobadas no orzamento de 2025 xustificando pola actualización de tipos aprobada en sesión plenaria de 29 de setembro de 2025 e da incorporación de novas altas.



**DIRECCIÓN DE INGRESOS
E
XESTIÓN CATASTRAL DELEGADA**

**CONCELLERÍA
DE
ORZAMENTOS E FACENDA**

**CONCELLO
DE VIGO**



As previsións do Imposto sobre Vehículos de Tracción Mecánica para o ano 2026 ascenden a 15.367.391 euros . Este concepto representa un 4,45% do total do orzamento e un 4,76% das operacións correntes.

As previsións do Imposto sobre Incremento de Valor dos Terreos de Natureza urbana para o ano 2026 ascenden a 5.500.000,00 euros representando un 1,59% do total do orzamento e un 1,70% das operacións correntes. Mantense a previsión idéntica a do exercicio 2025.

As previsións do Imposto sobre Actividades Económicas para o ano 2026 ascenden a 14.959.000 euros. Implica un 3,59% de incremento respecto das previsións do exercicio 2025, e representan un 4,33% do total do orzamento e un 4,64% das operacións correntes.

CAPITULO II.- IMPOSTOS INDIRECTOS

Importa este capítulo 15.094.806,64 euros e representa un 4,37% do total do orzamento e un 4,68 % do total de operacións correntes.

O importe das previsións deste capítulo para o exercicio do 2026 supón un incremento do 29,90% respecto das previsións aprobadas no orzamento de ingresos de 2025 , debido en gran medida a nova tributación do recargo municipal sobre o imposto galego sobre as estancias turísticas na comunidade autónoma galega, ordenanza fiscal que está na actualidade en tramitación.

A previsión do importe da cesión do IVE regulada no artigo 112 do Texto refundido da LRFL ascende a 6.732.639,50 euros. Supón un 1,95 % do total do orzamento e un 2,09% das operacións correntes. Aumenta un 2,10% respecto da previsión do exercicio 2025 . Esta partida, xunto coas restantes cesións de tributos do Estado así como a correspondente partida do Fondo complementario de Financiación do Estado constitúen a chamada Participación nos Ingresos do Estado (PIE).

A previsión do importe da cesión de Impostos sobre consumos específicos regulada no artigo 112 do Texto refundido da LRFL ascende a 1.761.167,14 euros. Supón un 0,51% do total do orzamento e un 0,55% das operacións correntes. Aumenta un 2,10% respecto da previsión do exercicio 2025. Esta partida, xunto coas restantes cesións de tributos do Estado así como a correspondente partida do Fondo Complementario de Financiación do Estado constitúen a chamada Participación nos Ingresos do Estado (PIE).

As previsións anteditas do IVE e dos Impostos especiais téñense realizado a partir das entregas a conta regularizadas do ano 2025 e aplícase, como no IRPF, unha variación do 2,1%.

A previsión do Imposto sobre Construcións Instalacións e Obras para o ano 2026 ascende a 4.500.000 euros e representa un 1,30% do total do orzamento e un 1,39% das operacións correntes. Incrementábase nun 36,36% respecto ao exercicio 2025, tendo en conta a execución actual do orzamento e a previsión de novas obras como consecuencia da aprobación do novo plan xeral de ordenación urbanística.



Copia do documento - Concello de Vigo	Data impresión: 20/10/2025 12:39	Páxina 5 de 7
97-142	CSV: A5AAD3-B7DF38-E781CF-N61GM4-4ME5EN-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CAPITULO III.- TAXAS E OUTROS INGRESOS

Importa este capítulo 48.336.339,02 € e representa un 14,00% do total do orzamento e un 14,98 % do total de operacións correntes.

O importe das previsións deste capítulo para o exercicio do 2025 aumenta nun 4,96% respecto das previsións aprobadas no orzamento de ingresos de 2025 pola actualización das tarifas dos prezos públicos das ensinanzas especiais e das instalacións deportivas municipais así como da prestación patrimonial de carácter público non tributaria polos servizos de inmovilización, retirada e custodia de vehículos.

As previsións da Taxa de recollida do Lixo comercial e de vivendas para o ano 2026 ascenden a 4.421.000 € na partida 30200 de lixo comercial e 16.611.000 € na partida 30201 de lixo vivendas, non sufrindo variación respecto das previsións formuladas no exercicio 2025 e que foran reaxustadas pola aplicación da Lei 7/2022, de 8 de abril, de residuos e solos contaminados para unha economía circular, que entrou en vigor o 10 de abril de 2022 e concedeu un prazo de 3 anos aos concellos, a partir da súa entrada en vigor, para que as entidades locais establezan unha taxa, ou no seu caso, unha prestación patrimonial de carácter público non tributaria, específica, diferenciada e non deficitaria, que permita implantar sistemas de pago por xeración e que reflecta o custo real, directo ou indirecto, das operacións de recollida, transporte e tratamento dos residuos, aplicación que foi aprobada en sesión plenaria de 30 de setembro de 2024. A cifra conxunta de 21.032.000 € representa un 6,09% do total do orzamento e un 6,52% das operacións correntes.

Faise constar, respecto da partida 31200 Taxa Escolas Infantís, a súa práctica desaparición por acordo Plenario 29 de xuño de 2022.

Neste capítulo tamén son relevantes pola súa contía os aproveitamentos especiais da vía pública, maioritariamente no subsolo, realizados por empresas explotadoras de servizos de interese xeral que tributan ao concello o 1,5% dos ingresos brutos obtidos polas mesmas no municipio. Formúlanse as mesmas previsións que no orzamento do 2025. Estas partidas resultaron afectadas en negativo pola aplicación á empresas titulares de redes de telecomunicacións da Sentenza do Tribunal Superior de Xustiza de Galicia pronunciada acolléndose a un cambio xurisprudencial do Tribunal Supremo ditado, a súa vez, como consecuencia de cambio do criterio xurisprudencial do Tribunal de Xustiza da Unión Europea.

CAPITULO IV.- TRANSFERENCIAS CORRENTES

Importa este capítulo 125.718.881,45 € e representa un 36,40 % do total do orzamento e un 38,96% do total de operacións correntes.

O importe das previsións deste capítulo para o exercicio 2026 sufriron un aumento do 1,67% respecto das aprobadas no orzamento de ingresos de 2025. Inclúen os seguintes ingresos por transferencias: Fondo Complementario de Financiación (FCF), Fondo de Cooperación Local, Subvención a Transporte Urbano Colectivo (TUC) e subvencións e cofinanciamento de servizos como o SAF, CEDRO e outros.

O concepto relevante deste capítulo é o do Fondo Complementario de Financiamento (FCF) polas entregas a conta máis a liquidación do ano 2024. Tamén inclúe a participación nos ingresos da Comunidade Autónoma (PICA).



Copia do documento - Concello de Vigo	Data impresión: 20/10/2025 12:39	Páxina 6 de 7
97-142	CSV: A5AAD3-B7DF38-E781CF-N61GM4-4ME5EN-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



O concepto 45000 relativo á participación nos Ingresos da Comunidade Autónoma (PICA) mantense na mesma contía e faise de acordo coas entregas recibidas máis a liquidación.

O concepto 45002 relativo á subvención para o Servizo de Axuda no Fogar (SAF) ten en conta o aumento das horas de servizo que se van a prestar. A previsión estará en función das horas e polo financiamento hora. Ten unha previsión de 9.425.000 euros, incrementándose nun 19,68%.

O concepto 45003 relativo ao servizo CEDRO (Programa de Drogodependencia) mantense a contía das entregas a conta até a data.

CAPITULO V.- INGRESOS PATRIMONIAIS.

Importa este capítulo 5.593.500 €, sofre un incremento do 3.51% respecto ao orzamento do ano 2025.

Representa un 1,62% do total do orzamento e un 1,73 % do total de operacións correntes.

CAPITULO VII.- TRANSFERENCIAS DE CAPITAL.

Figura unha previsión de Ingresos neste capítulo para o ano 2026 de 22.144.609,30 €, supoñendo un incremento do 10,80 % respecto das previsión do exercicio 2025.

No concepto 72091 recóllese a primeira anualidade da reforma da Avenida de Madrid, ascendendo a achega da Administración Xeral do Estado a 5.100.000 euros.

O cofinanciamento da Deputación de Pontevedra ascende a 11.727.338,95 euros para a reconstrucción por incendio da piscina de Teis e a anualidade da grada de gol.

O importe das transferencias de capital no orzamento de 2025 supón un 6,41% do total do orzamento e un 97,79 % das operacións de capital.

CAPITULO VIII.- ACTIVOS FINANCEIROS.

Importa este capítulo 500.000 € e representa un 0,14% do total do orzamento e un 100% do total de operacións financeiras.

Vigo, outubro de 2025

Asinan dixitalmente, A Directora de Ingresos e Xestión Catastral Delegada e O Concelleiro da Área de Goberno de Orzamentos e Facenda



Copia do documento - Concello de Vigo	Data impresión: 20/10/2025 12:39	Páxina 7 de 7
97-142	CSV: A5AAD3-B7DF38-E781CF-N61GM4-4ME5EN-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		